


# DIARIO TA PRESENTA


## VOZNAN DI PUEBLO

### "COMO TRAHADOR DI SECTOR PRIVA BO TA DI ACUERDO PA PAGA UN PRIMA DI AZV?"



**Richard G. Lopez**  
Manager AMTI

"Si. Pero solamente si mi por keda cu e libertad di scoge mi doctor y cambie simi tin deseo di hacie, y mi mester haya un pakete di calidad unda ami ta sinti mi sigur di un bon cuidio medico".



**Raul Valencia**  
Trahador y mayor

"Mi ta haya cu nos como trahador tin cu paga pa un aseguro general. Pero semper y cuando e pakete di servicio medico por garantiza un cuidio di salud completo y di calidad optimal pa nos y nos yiunan".



**Louise Schaap**  
Secretaria

"Si. Mi ta di acuerdo pa paga un prima pa AZV, pa asina drecha e calidad di salubridad. E banda social di AZV ta cu tur hende ta worde segura igual".



**Dominico Jansen**  
Security

"Si. Mi ta di acuerdo cu nos tur mester paga pa aseguro general. Pero e mester ta bon reglamenta pa garantiza un pakete y calidad di servicio optimal".



**Dr. A.H. Riley**  
Ciruhano Plastico

"Si. Ta normal pa paga un prima pa aseguro di maleza!"

#### Combersacionnan ta andando

## Otmar Oduber pronto lo bira vocero di Gobierno

ORANJESTAD(AAN) -- Desde cu Rene Herde a entrega su retiro como vocero di gobierno, por a scucha diferente nomber di personanan cu lo por ocupa e puesto ey.

Actualmente Yolanda Croes ta e vocero interino di gobierno y den un combersacion cune, el a duna di conoce cu e no sa kico e decision final lo ta.

Entretanto den seno di AVP, tabata haci investigacion pa mira kende realmente lo ocupa e puesto aki. Informacion cu DIARIO ta dispone di dje ta muestra cu tabatin deliberacionnan fuerte cu Otmar Oduber. Despues di un siman di deliberacion ayeranochi den Cas di Partido e topico di discusion tabata vocero di gobierno.

Tur cos ta muestra cu proposicion pa Otmar Oduber bira vocero di gobierno a cay den hopi bon tera. Otmar mes ta sinti cu e lo por bay ocupa e puesto aki, ya cu e tin un bon relacion cu medionan di comunicacion cual ta hopi importante.

Ayeranochi DIARIO a combersa cu Otmar Oduber kende a confirma cu e lo bay ocupa e puesto aki y awor ta cuestion di algun dia cu e lo keda nombra como vocero di gobierno.

Pa loke ta trata Otmar Oduber su funcion mes, ta asina cu a

papia cu algun candidato cu lo por asumi su trabao como

consehero di Minister di Finanzas.

## MOTOR DI CALIDAD!!

